

# სასოფლო გაზეთი

ქართული  
ბიბლიოთეკა



89  
1869

გაზეთის ფასი:

თენთი	ტფილისში	აღზავნელათ:	მან.
გარეშე	ადგილებში:		
ის წლისა	— 7 მან.	— 6	
ვრის წლისა	— 4 —	— 3 —	50 კ.
ის თვისა	— 2 მ. 50	— 2 —	

## მეორე წელიწადი

გამოდის შაბათობით. F 89 1869

ხელისმოწერა მიიღება:  
 ტფილისის „სასოფლო გაზეთის“ რედაქციის კანტორაში, მელიქიშვილის და კაპ. სტამბაში, ხანის ქუჩაზედ, თ. მებუთოვის სახლში, პოლიციის გვერდით.  
 ტფილისის გარეშე მცხოვრებთათვის ადრესი: ВТ Тифлисъ, въ контору редакціи „СЕЛЬСКОЙ ГАЗЕТЫ“, при типографіи Меликова и К-а.

შველ გვარი განადგებანი სასოფლო სასამართლოებისა და აგრეთვე გლეხებისა დაიბეჭდება უფასოთ, და უნდა გამოიგზავნოს გაზეთის კანტორაში, რომელიც იმყოფება ტფილისში, მელიქიშვილის და კაპ. სტამბაში.

№ 1. შაბათი.

II.

11 იანვარს 1869 წ.

### ზინაბანი:

სიტყვა ახალს წელისდს ნათქვამი. — „სასოფლო გაზეთის მკითხველებს“. — შობიერი დაკაცის და ახალი დაბადებულის ყურისება. ლექსი: მართამი. — მორწყვა და მომშლება მიწისა ჩინეთში. — ძერძობითი განადგებანი.

### სიძმვა

ახალსა გლოიწარს ნათქვამი.  
 მართალმადიდებელნი ძმო ქრისტიანენი!  
 ამა ქვეყნიერთა კაცთა შორის ასებობს ერთი შესანიშნავი და სასარგებლო ჩვეულება: როგორც რომ გთავდება ძველი წელიწადი და დადგება ახალი, მაშინ ყოველი მოქალაქე და ყოველი ანამდებობის აღმასრულებელი კაცი შეადგენს თავის საქმის, ანუ ანამდებობის წარმოების ანგარიშსა და წაუღებენ თავის უფრასსა, ანუ თვითანვე მოამარს. მაგალითად, კაცი, რომელსაც აბარია მამართლო, შეადგენს ანგარიშსა, რაოდენი იქმე წარმოებდა მის სასამართლოში წარუღელის წლისა განმავლობის დროს, რაოდენი ათგანი გათავდა და რაოდენი დარჩა გაუთავებელი და რისთვის. მინც სასწავლებელისა ფროსია, მან უნდა შეადგინოს ანგარიში: რაოდენი მოწაფენი სწავლობდნ მის სასწავლებელში, როგორ სწავლობდნ და იქნებოდნ; სახელმწიფო ხაზინადარი შეადგენს ანგარიშსა რაოდენი ხაზინის ფული შემოვიდა და გავიდა წარსულს წელში; გონიერი ვაჭარი დაჯდება ამ ქამად და გამოიყვანს ან-

გარიშს, როგორ წარმოებდა მისი ვაჭრობა, რა მოიგო მან წლის განმავლობაში; თუ დანახა რომ ბევრი ვერაფერი მოიგო, ანუ, ვინცობაა, კიდევ წააგო, მაშინ იგი კდილობს შეიტყოს, რა იყო მიზეზი ამის, რამ დაბრკოლა მისი ვაჭრობა.  
 ესაღია, თუ რისთვის გაჩნდა კაცთა შორის ესრეთი ჩვეულება და რა სარგებლობა წარმოსდგება აქედგან. მსრეთი ანგარიშის შედგენით გოგირი კაცი მოიმაკობს კდილობასა, იგი შეიტყობს რა შეეწევა მის საქმის წარმატებასა და რა დაბრკოლებს მას, და ესრეთ მომავლის წლისათვის საქმეს უმჯობესად დააწყობს. საუბედუროდ ჩვენ ყოველთა გვაეიწყდება ერთი ანგარიში რომელიცა უსაჭიროესია და უმეტესად სასარგებლო არის თვითოვეულისათვის; — რომელი? მრისტიანული, ზნეობითი, ცხოვრების და ყოფაქცევის ანგარიში წარსულის წლის განმავლობაში.  
 მიეც, ძმო ქრისტიანე, დღეს, ანგარიში შენ სენილისსა და ღმერთსა და შეიტყე როგორ განატარე წარსულ წელს ქრისტიანული შენი ცხოვრება — სიწმინდით და კრძალულებით, ანუ დაფანტულად და უზრუნველად? მოუმატე შენ წარსულის წლის განმავლობაში რომელიმე მადლი და სიკეთე, ანუ უწინდელთა ცოდვთა შენ დაუმატე ახალნი ცოდვანი? უმჯობესი შეიქმენი სულიერად, ანუ უარესი? მიუახლოედი ღმერთსა, ანუ უმეტესად განეშორე მისგან? მოიშალე რომელიმე ცუდნი ჩვეულებანი, ბოროტნი მიდრეკილებანი, ანუ, სამწუხაროდ, იგინი უმეტესად განძლიერდნ შენს ბუნებაში? მსრეთი

ანგარიში უმეტესად სასარგებლო იქნება შენთვის, ვიდრე სხვანი, ვინადგან აღამიანის ყოველი საქმისა და შრომის წარმატება დამოკიდებულია შინაგანთა მისთა თვისებათა და მიდრეკილობათა ზედა. ძეთილ გონიერი ქრისტიანე ყოველ საღამოს გამოიკვლევს თავის სულიერს მდგომარეობასა; შენ წელიწადში ერთხელ მაინც აღასრულე ეს სასარგებლო საქმე.  
 ესრედ: უკეთე შენ ხარ ვაჭარი, როდესაც იწყებ შენი ვაჭრობის ანგარიშის შედგენას, მაშინ ისიც ჰკითხე შენ თავს: რა სახით აწარმოებდი ვაჭრობასა, სიმართლით, ანუ მოტყუებით? აღებ-მიცემაში გახსოვდა შენ რომ სჯული შენი ყოველს საქმეში მოითხოვს სიმართლესა და პატიოსნებასა, ანუ, სამწუხაროდ, შენ მხოლოდ იმას ფიქრობდი, რაც შეიძლება და რა სახითაც შეიძლება მომეტებული მოიგოს, ერთი სიტყვით გახსოვდა შენ, რომ კაცი ჯერეთ უნდა იყოს ქრისტიანე და მერმე ვაჭარი?  
 თუ ხელმწიფის სამსახურში ხარ, როდესაც შეადგენ შენი სამსახურის ანგარიშსა, მაშინ ესეც ჰკითხე შენს თავს: როგორ ასრულებდი სამსახურს, კეთილ სინილისიანად, ანუ ბრუნდეთ? საქმის წარმოებაში შენ, იქმნება, გახსოვდა მარტო ფორმა, ანუ გარეგანი სახე საქმისა და არა შინაგანი მისი მნიშვნელობა? შენ, იქმნება, იმას კდილობდი, რომ შენთა უფროსთა თავი მოაწონო და ჯილდოები მიიღო, და არა იმას, რომ მოყვასთა შენთა მისცე სარგებლობა და შემწეობა? მრთი სიტ-

ყვით, იქნება, შენ დაგავიწყდა, რომ კაცი პირველად უნდა იყოს ქრისტიანე და მერე სამსახურის აღმასრულებელი, ანუ უმჯობეს არს, ქრისტიანობა და სამსახურის აღსრულება ისე განუყოფელად უნდა იყოს შეერთებული შენში, რომ ერთი მეორეს დააშვენებდეს.

უკეთუ შენ ხარ მასწავლებელი, ესე იგი გყვანან მოწაფენი, რომელთა შენ ასწავლი ანუ წიგნსა, ანუ რომელსამე ხელობასა, მაშინ უფრო ფიცხელი და პირ მოუთხელი ანგარიში უნდა მისცე შენ სინილისსა. რა სახით ასრულებდი ამ მოვალეობას წასრულის წლის განმავლობაში? მახსოვდა შენ ყოველთვის, რა დიდი საქმე არის მოწაფის გაზრდა, რა მძიმე პასუხს მოითხოვს ღმერთი მასწავლებლისაგან? მასწავლებელმა მარტო წიგნი, ანუ ხელობა კი არ უნდა ასწავლოს მოწაფეს; არამედ უწინარეს ყოველთა პატიოსნება, შრომის მოყვარება, ერთი სიტყვით, ქრისტიანობა.

მოკლედ ვინც ვინდა იყო შენ, რომელსაც ვინდა ასწავლებდეს, ამ ახალის წლის პირველს დღეს ანგარიში მიეცე შენ თავსა, რა სახით ასრულებდა შენ საქმეს, ქრისტიანულად. ანუ მსგავსად წარმართთა, რომელთა ახსოვდათ მხოლოდ ერთი გარეგანი კერძო საქმისა, ესე იგი მარტო თავის მოქვარება და წუთი სოფლის სარგებლობა, ქრისტიანე კაცს უნდა ახსოვდეს, რომ ყოველს, თვით უმცირესს საქმეს აქვს ზნეობითი კერძო. ქრისტიანემ, რომელსა ახსოვს ქრისტიანის სწავლა, ყოველი თავისი საქმე ისე უნდა წაიყვანოს, რომ იგი შეეწეოდეს ღვთის სასუფეველის გავრცელებასა კაცთა შორის.

მევედროთ ღმერთსა, რათა მომავალ წელსა ჩვენ ყოველთა მოგვეცეს მშვიდობა და წარმატება ყოველთა პატიოსანთა ჩვენთა საქმეთა შინა და რათა უმეტესად ყოველთა შინა საქმეთა ეასრულებდეთ მისსა ღვთიურსა ნებასა. ამინ.

ზაბრიელ მისიკოპოსი იმერეთისა.  
(ღროებიდგან)

„სასოფლო ბაზეთის“ მკითხველებს!

ღმერთმან მრავალს ახალწელიწადს დაგასწროთ! ბავლილმა ბრწყინვალე დღესასწაულებმა ცოტა ხნობით შესწყვიტეს ჩენი საუბარი მკითხველებთან. იმათვე დაასრულეს ძველი წელიწადი და ერთი წლითუხნიერესნი

გახდით. მაგრამ ხნის მომატებით ჭკუა-გონებაც შეგვემატა თუ არა?—რიგია ასე უნდა მოხდეს, მაგრამ ბევრი მიზეზები არღვევს ამ ბუნების კანონსა.

ძალის ცხოვრებაში ტანისა და ჭკუა-გონების ზრდა ხნიერებას არ მისდევს. როგორც მოსავლისა, იმისი ზრდაც ამიღწეა დამოკიდებული. სულს გარემოებას გაზრდის მაგიერათ შეუძლია კიდევ დააჭკნოს. სოფლის მუშას კარგათ აქვს გამოცდილი კარგი და ცუდის წელიწადის მოქმედება მოსავალზე. ხანდახან სამი-ოთხი წელიწადი მადლიანი მოდის: თავთავის დროს წვიმაც არის, დარიცა. ამისთვის მოსავალიც ფრთებს შეისხამს ხოლმე: პურიც მშვენიერია, ვენახიც ძალიან მოსხმულია, ბუნებასაც ეტყობა, რომ მადლარია, მცენარე ჰხარობს, ბალახი ბევრია; საქონელიც სუქდება და წარმატებაშია. მართი სიტყვით მადლიანი წელიწადი სულიერს და უსულოს ყველას მომეტებულათ ზრდის და ახარებს. მაგრამ შემდეგ მადლიანი წლებისა გამოერევა უნაყოფო წელიწადიცა. თავის დროზე არც წვიმა მოდის, არც დარი; ხან გოღვა, იშვებებს, ხან წიშა. ბოლოწინობის დროს მეტისმეტი სიცილისაგან ხეს კათოლი უყვითოფდება, ბალახს ხმებ ანაღო მქლეედება, სოფლი ცოტა აქვს; იმის ზრდას ვინდა ჩივის ნეტავი იმაში ტანი ერთ დროსაზე დადგეს და არ მოაყოლოს. ნამუშევარს წვიმა აკლია და ამისგანო ჩამქრალია. ბოლოწინობის შემდეგ დგება ნესტიანი ამიდი. მომეტებული წვიმის გამო ხე-დაბალახი ჭკნება, საქონელს ნესტიანობით უჩნდება ავთამყოფობა და იხოცება. სულიერი და უსულო აღარ ჰხარობს, არამედ ღონდება და სიცოცხლაც უქრება.

როგორც სულიერი და უსულო კარგი ჰავისაგან იზრდება და ცუდი ამიდისაგან ხდება, ჭკნება, კაცის გონებაც ეგრე იქცევა. იმასაც კარგი და ცუდი ამიდი აქვს, აი, ამას ჩვენ ვეტყვით გარემოებასა. თუ კაცის ცხოვრებას და იმის ჭკუა-გონებას კარგი გარემოება დაუდგა, როგორც ყოველი მოზარდი, კაცის ჭკუა-გონებაც ისე იხსნება და იმის ცხოვრებაც წარმატებაში შედის. აგრეთვე ცუდი გარემოებისაგან ჭკუა-გონებაც ბნელდება და მაშინ კაცის ცხოვრებაც აუტანელია. ახლა ეს უნდა ვიკითხოთ, რა არის კარგი და ცუდი გარემოება ჭკუა-გონების მზრდელი, ან დამჭკნობი. ამისი ახსნა თვითონ მკითხველისათვის მიმი-

ნდვია. მ.ნა ოტა არის გაჭირება ხალხის ცხოვრებაში! უდამ ომიანობა, ცარცვა-გლეჯა, უსამართლობით დაჩაგვრა, ვინიცის, რამდენი ცუდგარემოება და გაჭირება დაადგება ხოლმე ალხსა, როდესაც იმის ჭკუა-გონების ზრდაც ცხოვრების წარმატება შეუძლებელია. ბერ სხვა ხალხებსავე, ჩვენც საკმაოთ ბევრი უდი და გაჭირების წლები გამოვსცადეთ, ოდესაც არამც თუ ჭკუა-გონების ზრდა შეუძლებოდა, არამედ ისიც მადლობა ღმერთ რომ საკუთარი ცხოვრება და გონება შეგვრა და სულ არ წაგვეერთო. ძლივს ამ ბოლოსდროს ჩვენც დარი დაგვიდგა. მომეტებული შეჭირებისაგან თანდათან გამოვდივართ. ჩვენს მოქმედებას უფრო თავისუფლება მიეცა, აკუთარი სასოფლო სამართლოები გვედრსა. სამართალი საზოგადოათ უკეთესი შემოვიდა, ის შეწყუნება აღარ გვადგას, რომელიც ზოგიერთ ბატონებისაგან უწინ გგქონდა. მრთ სიტყვით ჩვენს შრომას მომატებული წაყოფი მიეცა ჩვენსავე სასარგებლოთ.

შინათ ყველას უფრო ორი საქმე უშლიდა ჩვენს წარმატებას: რასაც ოჯახში გააკეთებდი და გაზრდიდი არ შეგეძლო გეთქვა, რომ ეს ჩემიაო. მრთს დღეს მოგაიხებოდა შენი პატრონი და ეტყუოდა: მე, რაც გაგეკეთებია მომეცოთ, მე რაც გაგვიზრდია, ისიც მომეცოთ. შენც, რასაკვირველია, უნდა ავესრულებინა იმათი თხოვნა. მაშინდელი წესი ეს იყო. ამას გარდ სამართალიც ძალიან გვიან ეღირსებოდა ხოლმე კაცს და ამისთვის ბევრი ხელსაც იღებდასამართლის შოვნაზე. ამ ჟამად ეს ორივე ცუდი დაწესებულება მოიშალა. სამართალი უფრო სწორი და უფრო ჩქარი შეიქმნა და უწინდელი პატრონობაც გადავარდა. ამის გამო ვენს ცხოვრებას მიეცა წარმატების ღონე დ ცოდვაც არის რომ ამ დროთი არ ვისარგებოთ.

ახლა გავლილს წლებს რომ თვალი გადავავლოთ, შევნიშნავთ რომ ჩვენ თვითონ საკუთრად ჩვენი თავისთვის არა შეგვიძენია რა. შეველა გავლილი წლები მთავრობის წყალობით მოუნდა ცუდი წლის შეცვლას კარგს წესზე. მაშ ღმერთმან იწებოს ეს წელიწადი მაინც გავაბედნიეროთ საზოგადო სასარგებლო მოქმედებითა. მაგრამ ჯერ ეს უნდა ვიცოდეთ, რას მიეყოთ ხელი და ამ პირველში რა უფრო საჭიროა ჩვენთვის.—შული, მე მოგა-



ხსენებთ. სადაც უნდა მიხედო, ყველგან შე-  
პოგჩივიან ფული არა გვაქვს, რომ მუშაო-  
ბის დროს ხელი გავიშართოთ და ჩვენი შრო-  
მის ნაყოფი თავის დროზე სრულათ მოვიმი-  
კოთო. შულის უქონლობის გამო შრომის  
ნაყოფი სულ ნასეჩნებ ფულის სარგებელში  
მიდის და ჩვენ კი მშრალზე ვრჩებითო. ამი-  
სთვის ყველანი ამას უნდა ვცდილობდეთ,  
რომ სოფლებში თავნები გაჩნდეს, რომ ყო-  
ველს სოფელს იმ თავნიდგან ფულის გამო-  
ტანა შეეძლოს რიგიანი სარგებლის მიცემით  
და არა ისეთი სარგებლით, რომ წლის გან-  
მავლობაში თავნზე თავნი მოაგებინოს, რო-  
გორც ვაჭრებმა იციან. პვილოთ მაგალითად  
სოფელი საგარეჯო, სადაც ითვლება ხუთას  
სამოცდაოთხი კომლი. მითო კომ-  
ლმა რომ ყოველს თვეში ორ-ორი შაური  
გამოიღოს, ყველა კომლებისაგან ერთს თვე-  
ში მოგროვდება ხუთი თუმანი და ექვსი მა-  
ნეთი; წლის გასულს ამ სოფელს ექნება სა-  
ერთო ფული სამოცდა შვიდი თუმა-  
ნი და ორი მანეთი. ბევრს იმავე წელი-  
წადშივე შეუძლიან გამოიტანოს სესხათ ფუ-  
ლი ამ საერთო თავნიდგან და მისცეს წელი-  
წადში მანეთზე ექვსი კაპიკი სარგებელი; ამ  
სახით თავნზე იმისი სარგებელიც რომ მიუმა-  
ჯოთ წლის გასულს თავნი სარგებლიანათ შე-  
დგება სამოცდა თერთმეტი თუმა-  
ნი. ამ რიგათ სოფელს საგარეჯოს შეუძლი-  
ან ერთი წლის განმავლობაში თავის სასარ-  
გებლოთ შეკრიბოს სამოცდა თერთმეტი თუ-  
მანი, რომელიც იქნება სოფლის ფული და  
დაურიგდება იმავე სოფლელებს სესხათ, რომ  
ყოველს გაჭირებულს ხელი გაუმართოს. ახ-  
ლა ყოველი გლეხი, რომელსაც ფული სჭირ-  
დება, სესხულობს ვაჭრისაგან და, სულ რომ  
ცოტა ვთქვათ, თვეში თუმანზე აბაზს იხდის;  
ეს აბაზიც ვინღაც სხვას მიაქვს და გლეხსა-  
მუდამოთ ეკარგება. სოფლის ფულიდგან რომ  
ივალოს გლეხმა, თვეში თუმანზე მოუწევს  
სარგებლოთ მხოლოდ ერთი შაური და ისიც  
სოფლის ფულს ემატება, რომელიც რჩება ამ  
გლეხისავე სასარგებლოთ. აი, რამდენი სარ-  
გებლობა შეუძლიან მოუტანოს სოფელს სო-  
ფლის ფულმა, რომელსაც აგროვებენ სოფ-  
ლელები წვრილ-წვრილათ. ამისთვის ვურჩი-  
ვეთ ყველა სოფლებს ამ გვარი მოკრეფით  
შეიდგინონ საზოგადო ფული, საიდგანაც შე-  
ეძლებოდეს ყოველს გლეხს ფულის გამოტა-

ნა და საქმე ვაჭრისაგან სასესხებლოთ აღარ  
გაუხდეს, ამიტომ რომ ვაჭარი დიდი სარგე-  
ბლის ღებით ყოველს გლეხს აღარბებს.  
ზემოთ მაგალითად მოვიყვანეთ სოფელი  
საგარეჯო, რომელიც გლეხზე თვეში ორ-  
ორ შაურის ღებით შეადგენს ერთს წელი-  
წადს სამოცდა თერთმეტი თუმა-  
ნი. მაგრამ სამის წლის განმავლობაში, რომ თი-  
თო გლეხზე ყოველს თვეში ორი შაური  
იღოს. იმავე სოფელს შეუძლიან შეადგინოს  
მრასოცდაექვსი თუმანი, რომე-  
ლიც სრულებით საკმაოა, რომ მთელი სო-  
ფელი დააკმაყოფილოს სესხითა. ამ სახით  
ყოველს სოფელს თავის კარზედ ექმნებოდა  
ხელის მოსაცვლელი ფული, რომლითაც ერ-  
თი ორათ აქცევდა თავის შეძლებას.  
როცა სოფლის ფული მოგროვდება, იმას  
კარგი შემნახავიც უნდა. ამისთვის მთელმა  
სოფელმა უნდა ამოიჩიოს ყველაზე სანდო  
და თავიანი კაცი, რომელსაც სოფელმა უნდა  
მოსთხოვოს ხოლმე ანგარიში ყოველ თვის  
თავზე. ამ ფულის შენახვისათვის ხაზინადა-  
რსაც ქირა უნდა. მს ქირა სასოფლო ფულის  
სარგებლიდგან შეიძლება დაენიშნოს.  
ამას გარდა საჭიროა ყოველს სოფელში  
საერთო ორმოს გაკეთებაცა, სადაც ყო-  
ველ წელს მოსავლის მეოცედი, ან მეორმო-  
ცედი უნდა შეიტანოს თითოეულმა გლეხმა,  
და ამ ორმოდგან მიეცეს სესხათ ნამუშევარი  
გაჭირებულს გლეხს, ან სხვას, როცა დასჭირდეს  
რომ შემდეგ იმან თავის მოსავლიდგან გადა-  
იხადოს ეს ვალი, თუ სრულად არა, ნაწილ-  
ნაწილად მაინცა.  
ამგვარად ჯერ ყველაზე უფრო საჭიროა  
გლეხებისათვის საერთო თავნის მოგროვება  
და საერთო პურის ორმოების გაკეთება თავი-  
ანთშივე ერთმანეთის ხელის გასამართად.  
ამისთანა თავდარიგით სოფელი მალე წამოი-  
ყრის ხელსა და მაშინ შეუძლიან იფიქროს  
შკოლების გაკეთებაზედაც, რადგან სწავლა პი-  
რველი სიმდიდრეა კაცისთვის. მცოდნე კაცი  
უფრო მიხვდება თავის ცხოვრების გამკეთე-  
ბელს ღონისძიებას, ვიდრე უცოდინარი კაცი.  
რომელი სოფელიც ერთბაშათ შეიძლებს ამ  
სამი საქმის გაკეთებას, ის ყველაზე წინ იქნე-  
ბა და უფრო მალეც ეღირსება შეძლებულო-  
ბასა; და რომელსაც ამ სამი დიდი საქმის  
ერთბაშათ დაწყება არ შეუძლიან, იმან ჯერ  
საერთო ფული და საერთო პურის ორმოების

გაჩენა უნდა დაიწყოს, რომ სოფელს შეეძლოს  
ღონე, მეტი შეძლება ექმნეს, შემდეგ უკრძა-  
ბის გახსნისათვის.  
მაშ, ძმანო, ვიბედნიეროთ ეს ახალი წელი-  
წადი ამგვარი კეთილი საზოგადო საქმის და-  
წყებით და ღმერთიც ხელს მოგვიმართავს.  
**მშობიერი დედა — კაცისა და ახა-**  
**ლი დაბადებულის ყურის გდება.**  
ბაუნათლებელს ხალხში ზოგიერთი იმის-  
თანა ჩვეულებაა დარჩენილი, რომ იმის გამო-  
უბედურება არ გამოიღვევა ხოლმე. არც ცუ-  
დი ავთ-მყოფობა, არც ავსენიანი სატკივარი  
და არც ჭირი იმდენს ზარალს არ შეამთხვევს  
ხალხის სიმრთელეს, როგორც უსწავლელო-  
ბით და უგუნურობით მიღებული ცუდი ჩვე-  
ულება. ხევსურებში და ინგილოებში მშო-  
ბიერი დედა-კაცი შვილის ყოლის შემდეგ რომ  
მძიმე ავთ შეიქმნეს, იტყვიან ახალს დაბადებულს  
აგი სული გვამში ჩასდგომიაო და უნდა თა-  
ვისი დედა მოჰკლასო. ამის გამო სჯერათ,  
რომ თუ ახალი დაბადებული მოიკლა, მშო-  
ბიერი დედაც მორჩებაო. რასაკვირველია,  
მშობიერს დედას შობის შემდეგ რომ ცოტა-  
ოდენი გაუჭირდეს, ქმარი მაშინვე ახალს და-  
ბადებულს მივარდება და ნიჩბით თავსა სჭრის.  
მინ არ იცის, რომ დედაკაცისათვის ძალიან  
ძნელი ასატანია მშობიერობა. ამ დროს იმას  
ყოველი სახსარი თითქმის დაშლილი აქვს;  
იმისი ტანი ძალიან დასუსტებულია. იმ დროს  
მშობიერს ქალს ცოტა სიგრილეც რომ  
ეცეს, ისიც საკმაოა. ახლა თუ წარმოვიდგენთ  
ჩვენი მთიული ხალხის ცივს სადგომს და იმას  
დაუდევრობას, ყურის უგდებლობას, მშობიერ  
დედაკაცზე, მაშინ ცხადია, რომ უმეტესი ნა-  
წილი მშობიერ დედაკაცებისა, ამ მოუვლე-  
ლობისაგან ჰხდებიან მძიმე ავთ და კიდევ  
იხოცებიან; მაგრამ ხევსურელი და ინგილო  
უცოდინარობისაგამო ბრალს მოუვლელობას  
კი არა ჰსდებს, ის იძახის „ბოროტად სულის ბრა-  
ლიაო, რომელიც ახალს დაბადებულს ჩასდ-  
გომია გვამში და უნდა დედა მოჰკლასო“. ამიტომაც  
ჰსჭრის თავს ახალს დაბადებულსა, თუმცა ამისი  
ნაღველი უფრო ჰკლავს საწყალს დედასა. ამ  
სახით უგუნური მთიული ორკე-  
ცად ზარალობს: შვილიც ეღუპვის და ცო-  
ლიცა.  
ხევსურები და ინგილოები მაგალითად უფ-



ეროვნული  
მეცნიერებათა  
აკადემია

რო იმისთვის მოვიყვანე, რომ ესენი ჩვენი ძმები არიან, ქართველის ნათესაობა. ამ გაჭირებულს ჩვენს ძმებს რომ სხვა ჭირვება და ავი სენი თავის დღეში კარზედ არ მიადგეს, სანამდის ზემოხსენებულს კუდს ჩვეულებას არ მოიშლიან, მანამდის იმათი მრავლობა და ნაყოფიერობა თითქმის შეუძლებელია. უსწავლელობისაგან ეს ხალხი თავის ნაყოფიერობას თავისვე ხელით აქრობს; აბა საიდგან ლა იმრავლებს ისა! ახლა მოვიყვანოთ მეორე ხალხი სენანები, რომელნიც აგრეთვე ჩვენი მოძმენი არიან, ქართველი ხალხის მონათესავე. წინათ იმათაც ჰსჭირდათ ამისთანა ცუდი ჩვეულება. ისინი არ გაიცდიდენ ქალსა. როგორც კი ქალი ეყოლებოდა დედაკაცსა, მაშინვე ამ ახალ დაბადებულს პირში ღველფს ჩააყრიდენ და მოჰკლავდენ. ახლაც იბრუნება სენანთში სახლობა, რომ ამისთანა ღვთისსაწყენს საქმეს ჰმერებოდეს. რასაკვირველია, ხალხი აქ არ უნდა გამრავლებულიყო და მართლაც რამდენიც ათასი წლის წინათ ყოფილან, მეტნი არც ახლა არიან. შგნურობას ხალხი იმდენზე მიუყვანია, რომ თავის თავს თვითონვე უსწრაფებს სიცოცხლესა. ამ შემთხვევაში სენანებზე წინ აღარც ჩვენ წავსულვართ. რაჭაში მშობიერი დედაკაცი უწმინდურათ მიაჩნათ და შვილის ყოლის შემდეგ დასუსტებულს დედაკაცს მაშინვე ციეს წყალში აგდებენ საბანაოთ, ვითომც განიწმინდოსო; მაგრამ მისთანა გაწმენდა შენს მტერს მიეცა, რაც იმას დამართება ხოლმე. სუსტი დედაკაცის ტანი ციე წყალს ვერ იტანს, გაცივდება, ანთება მოსდის და ჰკვდება. არამც თუ რაჭაში ჩვენშიაც ყოველგან უმეტესი ნაწილი ხალხისა იხრცება, იმის გამო რომ ახალდაბადებულების და მშობიერი ქალის მოვლა არ იციან.

მინ არ იცის, რომ სიცოცხლისთანა ძვირფასი კაცისთვის არა არის რა; მაგრამ ძვირფასი ნივთის პატრონმა, შენახვაც უნდა იცოდეს. მინც თავის სიცოცხლეს უდროოთ ბოლოს მოუღებს, ის თავის მკვლეელია. ღა თავის მკვლელს ღმერთიც უწყობდა. ამისთვის ყოველი კაცი და მასთან ხალხიც უნდა ცდილობდეს თავის სიცოცხლის დაცვას და შთამომავლობის მრავლობას. ეს ჩვენ უთქმელათაც ყველას ესმის, მაგრამ ზემოთ მოყვანილი მაგალითები ამტკიცებს, რომ დაბალს ხალხში არავენ კი ისე არ ჰმოქმედებს, რომ

რაცა ჰსურს, ის აუსრულდეს. შევლას გინდა დიდხნის სიცოცხლეცა და შვილით და შვილის შვილითაც საესენი ვიყენეთ, მაგრამ საქმით კი ვეწინააღმდეგებით ამ ჩვენს სურვილსა. ეს იმიტომ რომ არ ვიცით არც ჩვენი თავისა და არც შთამომავლობის მოვლა და ყურის ვდება. ამ შემთხვევაში ყველაზე უპირველესი საქროება ის არის, რომ ვიცოდეთ მშობიერი დედაკაცის რიგიანი ყურის ვდება და ახალგაზღობის მოვლა. ჩვენც ამ ორ საგანზე გინდა დაწერილებით ველაპარაკოთ მკითხველსა. ჯერ უნდა დავიწყოთ და მოვთვალოთ დაწერილებით ის დარიგებანი, რომლებს ასრულებაც ძალიან საჭიროა დედაკაცის ორსულობისა და მშობიერობის დროსა.

ორსულობის დროს დედაკაცი ისე უნდა იქცეოდეს, რომ იმის სიმრთელეს და ყმაწვილისას არა გაუჭირდესრა, ყმაწვილი უნდა იზრდებოდეს საშოში ბუნებითად და იმისთანა არა შეემთხვეს რა, რომ ჯუჯაობის მიზეზი გახდეს, ჩვეულებრივით ყმაწვილი ისე შეკავშირებულია დედის ტანთან, რომ ამის სიმრთელე ყმაწვილსაც მრთელათ ამყოფებს. ამის გამო ჯერ გამოვიკვლიოთ დედაკაცის ორსულობა და იმის გაფრთხილება.

ორსულობა ბუნების წესია და იმითი განსაკუთრებული რამ ცვლილება დედაკაცს არა ეძლევა რა. ორსულობა იმას ვერ გამოუცვლის ვერც ჩვეულებას, ვერც ხასიათს და ვერც ზნესა. ზოგიერთს დედაკაცს ორსულობაში გამოაჩნდება ხოლმე ახირებული ჩვეულება, ერთს რასმე ახირებს, მაგრამ ამისთანა ცვლილება დედაკაცის ზნისა ორსულობის ბრალი არ არის. თუ დედაკაცს ორსულობის წინათ ზომიერი ცხოვრება ჰყვარებია, შემდეგაც ისეთივე ეყვარება; ხოლო მადისა და გემოს გამოცვლა უზომიერების ბრალია და არა ორსულობისა.

ბევრი ამტკიცებს, ვითომც ორსული ქალი თავის გემოს და ნდომას უნდა ემორჩილებოდესო, რაც გულმა უთხრას, ის სჭამოს და გააკეთოსო, მაგრამ ეს ტყუილია. ორსული ქალის მომატებული მადა და ახირება ბუნებითი არ არის, ეს უფრო ხასიათის სისუსტის ბრალია. ღა რადგან სუსტი ხასიათი ტანსაც ასუსტებს, ამისთვის ყოველს ორსულს ქალს ვურჩევთ გაამაგროს თავისი ხასიათი და შეიკრიბოს ღონე. ორსული ქალი თვითონვე

უნდა ცდილობდეს თავის მკვლელსა და ვარჯისობდეს მოთმინებაში, რადგან მშობიერობას ემზადება და ეს გაჭირება მხნეთ უნდა აიტანოს. იმას დიდი მხნეობა და მოთმინება უმართებს მშობიერობის დროს.

მაგრამ ის კი სხვა არის, რაც ორსულობას ცვლილება მოსდევს დედაკაცის გვაში. შმაწვილის თან და თან დასრულებით, დედაკაცს საშოც ეზრდება, უფანიერდება, აწევება კუჭსა და ნაწლევებს და ავიწროებს იმათ. ამის გამო დედაკაცი, როგორც წინათ ისე ვეღარ ინელებს საქმელს და ხშირად გულის რევა მოსდის. ამისთვის ვურჩევთ ორსულს ქალს, ადვილად მოსაწელებელი საქმელი მიიღოს ხოლმე. არაოდეს გასაძღომათ არ უნდა სჭამოს, არამედ სჭამოს ხოლმე ხშირად და ცოტაცოტა.

შიგნეულობასთან ფილტიც შევიწროებულია, ამისთვის სისხლი ისე თავისუფლათ არ ტრიალებს ტანში, როგორც უწინ. რომ კიდევ უფრო არ შევიწროვდეს ტანში სისხლის დენა, ვიწრო ტანთ საცმელი აღარ უნდა ჩაიცვას ორსულმა დედაკაცმა, იმას განსაკუთრებით მკერდი უნდა ჰქონდეს განთავისუფლებული. ამას გარდა ორსული უნდა ცდილობდეს ხშირად სისხლის განახლებას, ამისთვის საჭიროა ხშირად ისეირნოს გარეთ წმინდა ჰაერში, სადაც სიარულთან სულთქმაც დიდი აქვს, უფრო ბევრი ჰაერი ჩადის ფილტვებში და სისხლი უკეთდება. სეირნობის დროს ძალიან არ უნდა დაიძლოს და არც ძალიან უნდა ირხეოდეს; ამისთვის ცხენით და ფაეტონით ტარებას ქვეითათ სიარული სჯობია. ორსული დედაკაცი დიდს ჯაფას უნდა ერიდოს და მძიმე ტვირთიც არ უნდა ატაროს, რადგან შეიძლება გვამი მოეშალოს. იქნება ბევრმა სთქვას, რომ ეგრე მეტის მეტი გაფრთხილება ტყუილიაო, რადგან დაბალს ხალხში საწყალი კაცის ცოლები ორსულობაშიაც დიდს ჯაფას ეწევიან, მაგრამ არა უჭირსთ რაო. მართალია ვინც მუდამ შრომას არის შეჩვეული, იმას უფრო არა გაუჭირდებარა, მაგრამ ამათშიაც რომ ბევრი მაგალითია გვამის მოშლისა, ესეც ცხადია. შოველ შემთხვევაში მძიმე ჯაფა ძალიან აწენებს ორსულს დედაკაცს, რომელიც უკანასკნელს თვეებში დგას. ამას გარდა ისინი უნდა უფრთხილდებოდნენ გვამი არ გაიციონ. თუ ქალი დაბალი ტანის არის, იმა ორსულობაში სარტყელი უნდა ერტყას, რა



დგან გვამი ძალიან წინ წამოეზღებოდა ხოლმე.  
 ორსული ქალის ცხოვრება ისე უნდა იყოს მოგვარებული, რომ შრომის შემდეგ მოსვენება და ძილი საკმაო ჰქონოდეს, რომ ჯანზე მოვიდეს ხოლმე და საშოში ყმაწვილს თავისი ზრდა არ მოაკლდეს. აგრეთვე დედა-კაცი არ უნდა იყოს იმდენათ დაქანცული, რომ მსუბუქად ვერ შეიძლოს მშობიერობის ატანა. ორსული დედა-კაცი თვითონ უნდა ცდილობდეს, მუდამ მშვიდობიანათ იყოს და ჯავრი არ ჰყოფიდეს. აგრეთვე იმის მონათესავენიც უნდა ცდილობდნენ, რომ არ გააჯავრონ, რადგან ნადევლსა და უეცრად შერშინებას დიდი ზღმობა აქვს ყმაწვილზე. შეველა იცის, რომ მომეტებულს გულის მოსვლას, საშინელს მწუხარებას და შიშს გვამი მოუშლია ორსული ქალისათვის. ღოქტორი მსტერლენი აი, რას მოგვითხრობს ამაზე: ლანდაუს ციხე რომ აიღეს, მას შემდეგ ოთხმოცდა თორმეტი ყმაწვილი დაიბადა; იმათში ოცდა ათი ყმაწვილი სნეული გამოდგა და ერთი წლის განმავლობაში ყველანი დაიხრცნენ. რვას ავი ზნე გამოჰყვა, გონება აკლდათ და ხუთ წლამდის ყველანი დაიხრცნენ, ორი ძვალ დამტყრეულები დაიბადნენ. აი, დაფეთებას როგორი ზედ-მოქმედება აქვს ორსულს ქალზე. ამბობენ, სიჯუჯავე დაფეთების გამო მოხდებოდა, მაგრამ ეს მართალი არ არის. სიჯუჯავე ყმაწვილისა მაშინ წარმოსდგება, როდესაც ყმაწვილის ზრდას რაიმე დაბრკოლება მიეცემა საშოში. მეცნიერებამ კიდევ დაამტკიცა, რომ შთან-ჩენი მაშინ გამოდის გონჯი, როდესაც რომელსამე მხარეზე აწევება რამე და უშლის თავისუფლათ ზრდასაო. სიჯუჯავე დროს განმავლობაში წარმოსდგება და არა უეცრად.

ბოლოს ჩვენ გვინდა მოვიყვანოთ შემდეგი სიტყვები მქიმის ბარტმანისა; „ორსული ქალი კარგს იზამს, რომ მშობიერობამდის კაცთან აღარ დაწვეს. შოველ შემთხვევაში იგი ამ დროს სხვა დედაკაცებზე უფრო თავშეკავებული უნდა იყოს და უკანასკნელს თვეებში კი სრულდებით უნდა მოერიდოს ქმარსა“.

**მ რ თ ა მ ი .**

მართამო, რათა ხარ ეგრე ვერაგი,  
 შეველა გიჩივის, პასუხი აგი.  
 წინ დროებშია არა რცხვებოდნენ,

შენსა მიღებას წიგნათ ამბობდნენ; \*)  
 მაგრამ ჩვენს დროში ჩუმი შეიქმენ,  
 და შენით კიდევ ბოროტსა იქმენ.  
 ზოგიერთ მოწმებთ ჩაუკლებ გულსა,  
 ძეთილ-საქმესა სწორეთა რგულსა,  
 შეაცვლევიენებ წაუწყემდ სულსა.  
 მართალს ამტყუნებ,  
 მტყუნს ამართლებ,  
 ამ ცუდს საქმესა ესრე მოქმედებ.  
 შენით ხარობენ კაცნი ბოროტნი  
 იჩაგრებიან კაცნი მართალნი,  
 ღირსად გპოვებით მოსპობილიყავ,  
 მისთვის რადგანაც ბოროტი იყავ.  
 მხლაცა მძლავრობ ზოგერთს ადგილსა,  
 როს კაცი ჰპოვებს დროსა ადვილსა;  
 მასა ვფიქრობდით, თუ მოკვდებოდი,  
 დაიმარხვოდი მოსპობოდი;  
 მაგრამ კვლავ სუნთქვამ შენის სიმყრალით,  
 მგონებ ცოცხლდები შენისა ძალით;  
 შექადებიან ამ დროს მსაჯულნი,  
 საქმის მომქმენდი მართლად განმსჯელნი;  
 შინო იქნენ ამა სოფლიდგან,  
 მოძულეებული ყოვლის კაცისგან.  
 სოფლის მსაჯულნო გულით ეცადეთ,  
 რომ არ მიიღოთ ესე სტუმარი,  
 მართლის მოძულე ბოროტ-მოყვარე,  
 აეთსა მთესი სულ იგი არი.  
 მიგიზიდავთ თქვენ, ადამატსა ჰგავს,  
 მაცთური არის შეგაყვარებთ თავს.  
 შენის ეშხითა ძრისტე გაჰყიდა  
 იუდამ;—გპოვა სული წარსწყმიდა;  
 იქიღამა ხარ ეგრე ბოროტი,  
 ამოსადგებ ხარ, როგორც ბოლოკი;  
 ამისთვის ენახეთ იმ ლამაზ დროსა,  
 ძირზე მოიფხვრა ვერ ზდიდე შტოსა;  
 შემდეგ არ იქმნეს სახელი შენის,  
 ამის ღირსი ხარ და ესე გშენის.

მ. ა. შ.

**მორწმუნა და მომშრალეა ნახნა-  
 ვებისა ჩინეთში \*)**

ჩვენ გაზეთში ყოველთვის ვაძლევთ ადგი-

\*) წინეთ დროებში ნასყიდობის წერილებში სწერდნენ: (მე ამა და ამ) თავადმა, ანუ აზნაურმა გიწყალობე, ანუ მოგვიდე შენ ჩემს ყმას (ამას და ამას) (ესე და ესე ადგილი) და ქრთამიც სრული მივიღე.  
 \*) ჩვენ ვიღებთ მასალებს ამ სტატიისათვის უსკაჩკოვისაგან, რომელსაც ბევრი ხანი დაუყვია აზიასი და იქ უნახავს ყოველის მხრიდგან ჩინეთისა და სხვა აზიის ხალხის სასოფლო სახლოსნობა.

ლს ჩინეთის სოფლის სახლოსნობის ამბობსა. ამას იმიტომ კი არა, რომ ვითომც ჩინეთში ძალიან მაღლა იდგეს სასოფლო სახლოსნობა ან სამუშაო იარაღები კარგის ღირსებისა ჰქონდეთ. მეროპაში ბევრი იარაღები არიან სახლოსნობისა იმ გვარნი, რომ ჩინეთში აზრათაც არ მოსვლიათ. აქ ხენა თესვაც ძალიან წარმატებაში არის. მაგრამ ჩინეთის სახლოსნობა იმით არის შესანიშნავი, რომ მხოლოდ შრომით მიეყვანათ უკეთეს მდგომარებაში მიწის მუშაობა და შეუგნიათ კიდევცა დიდი მნიშვნელობა ამა საქმისა.

მაგალითად ავიღოთ მინდვრების მორწყვა და მომშრალეა. — აი რას ამბობენ იქაურები მწერალნი ამ საგანზედ: „ჩვენს მხარეს ყოველ წელს რწყავს ცა მთელი ორი სიცხიანი თვეების განმავლობაში ხშირია კოკურის წვიმებითა; ეს წვიმები მალმალ იცვლებიან მოწმენდილი მზიანი ცითა. აქ როგორცა ხედავთ მორწყვაც არის და მომშრალეცა. რაღა საჭირო არის კაცის მხრით ამაზედ ზრუნვა. მაგრამ ასე არ არის: გაუწყვეტელი წვიმები და გვალვა—ეს ორივე მანებელნი არიან ცის ნებითა, მაგრამ კაცის ნებასაც შეეძლო წინააღმდეგობა ამათი. რათ უნდა ვიყენეთ ბრმა მომლოდინე შემთხვევისა? რათ უნდა დაეგლოთ შემთხვევის ნებაზედ ბედი მხნელმთესეელისა, რომ შემთხვევამ გაანადგუროს ყოველი იმისი მოსავალი? მს მოსავალი მთელს სახელმწიფოს აცხოვრებს. რათ უნდა გაუშვათ მოსავალი იმ ბოროტებათა ქვეშ, როგორნიც არიან გვალვა და წყლის სიჭარბე ნახნავისათვის; რათ უნდა გაუშვათ მოსავალი ბუნების ჟინიანობის ქვეშ? ძაცს ძალიან ადვილად შეუძლიან წინააღმდეგობა ბუნების ჟინიანობისა, იმიტომ რომ თუმცა ერთის მხრით უზენეია ცას კაცისათვის, მეორის მხრით მიუცია მიწაზედ ბუნებითი წყლები, რომელნიც შეუძლიან მოიხმაროს როგორც თითონ მოისურვებს. თუ მხნელ მთესეელმა მოხნა მიწა, გაასუქა, დათესა,—ნუ თუ იმას ვერ შეუძლიან მოამზადოს მიწა მოსავლის მოყვანისათვის? ნუ თუ ვერ მისცემს საკმაო სისველესა რომ მიწამ იცხოვროს? როგორც კაცის სხეული ვერ გასძლებს უსისხლოთა და მოკვდებოდა, აგრეთვე მიწა უწყლოთა. როგორც სისხლის უმრავლესობა სხეულში სწყენს და ჰქლავს კაცსა, აგრეთვე წყლის სიჭარბე მინდორსა. მართლაც როგორც კაცის სიმრთელი-



სთვის არის საჭირო, რომ სისხლი უბრუნავდეს კარგად, აგრეთვე ნახნავისათვის არის საჭირო, რომ სისველე ზომიერად ჰქონდეს. როგორც კაცი კარგათ არის სისხლის კარგათ ტრიალიათა, აგრეთვე მთელი სახელმწიფო მაშინ არის კარგს მყოფობაში, როდესაც იმ სახელმწიფოში აქვს მზრუნველობა მინდვრების კარგად მორწყვისა და გაშრობისათვის. მაშინ მთელი სახელმწიფო, იმისი ხალხი და საზოგადოების წყება მთელი და კმაყოფილი არის ყოველის მხრიდან.

მაგრამ ამგვარი საქმე არ შეუძლიან ერთს კაცსა და არც ერთს რომელსავე სოფელსა. ამ საქმეში ხალხს ყოველთვის უნდა ჰქონდეს შეწყენა მმართველობისაგან თუ რძევეთა, თუ ფულითა. ამასზედ შეგვიძლიან დავრწმუნდეთ მოკლე განხილვით ჩინეთში არხების გაყვანის ისტორიითა.

ზადმოცემა ამბობს, ქრისტეს დაბადების 2000 წლის წინ ჩინეთში მოხდა საშინელი უბედურება. მაშინ წყლები აღიღდა, ასე რომ მინდვრები აივსო წყლებითა. ამ დროს ხელმწიფე შუნმა მიანდო თავის მინისტრს შის წყლების გადაგდება. ამან გასჭრა არხები, ამოთხარა დიდრონი ჰაუზები. ზოგი არხი მდინარებში შეიყვანა და ამითი დააშრო წყალი. რადგანაც შიმ მოარჩინა ხალხი უბედურებისაგან, ამიტომ ის ხალხმა დაანიშნინა შუნს ტახტის მემკვიდრეთ. არ იქნებოდა მომატებული შენიშვნა, რომ ეს ში ფრანგების მისიონერებმა მიიღეს ნოეთ და პაპს აცნობეს: „ჩინეთის ისტორიაში არის ნამდვილი ცნობა წარდენაზედაო, სადაც ნოეს სახელი არის გამოხატული ხალხის დამცველად უბედურებისაგანაო. ამ მისიონერებმა ის კი ვერ გაიგეს, რომ ეს ში სრულებით ნოეს არა ჰგვანდა და ამაზედ მოთხრობა სულ სხვა გვარი იყო. მათე საუკუნედგან, ქრისტეს წინ, არიან ნამდვილნი დამტკიცებანი, რომ მმართველობამ დააწესა თანამდებობანი, სახელად წყლის მწვერელნი, რომელთა მზრუნველობა იმაში იდგა, რომ მოეყვანათ მდინარები იმ მდგომარებაში, რომ ხალხს ადვილად მოეხმარებინა ყველა დაჭირებისამებრ. ძრისტეს დაბადებიდგან ერთი საუკუნის წინ, ისტორიკოსები დაწვრილებით მოგვითხრობენ იმასა, თუ სად ან რა აზრით გაუტანიათ არხები, სად გაუკეთებიათ ტბა; სად აუმაღლებიათ წყლის პირი, აუგიათ ხიდი. ამავ დროს

იხსენება ერთი ოლქის მმართველი (უფროსი), რომელმაც დასწერა ვრცელი წესდებულება წყლის ხმარებაზედ, რომლის შემდეგ მოიშალა მრავალი დავა. შემდეგ დროებშიაც მმართველობას არ მოუშლია მზრუნველობა მორწყვისა და მომშრალებისათვის, ასე რომ ყოველი საუკუნე არის შესანიშნავი სხვა და სხვა არხების გატანითა და ტბების ამოთხრითა. ამიტომაც არის ახლა ჩინეთში ეს საქმე გამართული ასე მშვენიერად და ხალხის სასარგებლოდ.

ახლა გავსინჯოთ ნახნავების მდგომარება ჩინეთში. ავიღოთ მაგალითად ჩინეთის შუა გულის მოსარწყავი საშუალება. აქ არხები უცხოთ არიან მომართულნი, ასე რომ მთებიც კი ირწყვებიან. აქედგან მიდის პეკინში მილიონი საცალო ბრინჯი და სხვა გამოსავლის საგნები, რომლითაც იკვებება ჯარი და სამოქალაქო თანამდებობა სახელმწიფოსი.

ჩინეთელებსა აქვსთ ვრცელი წიგნები, რომლებშიაც არის დაწვრილებით აღწერილი ადგილის მდებარება ყველა უეზდისა, იქაური წყლები, წყაროები, ტბები. ამგვარის აღწერით და ცოდნით ნახევარი შრომა თავდება. ამის შემდეგ იმათ უადვილდებათ ყოველი ადგილისა და წყლის სასარგებლოდ მოხმარება. ამ აღწერისა და გამოკვლევის შემდეგ შეადგინეს პროექტი ორი ერთათმყოფი გუბერნიებისა მორწყვისათვის. ეს გუბერნიები არიან ჩენგზანი და ანხოი. აქ არხები გაიტანეს საერთოდ ორივე გუბერნიების ხალხმა; მხოლოდ დარიგება და ფული მმართველობისა იყო და შრომა ხალხისა. ეს იყო მათე საუკუნეში ქრისტეს შემდეგ, როდესაც მეფობდა ჩინეთში სენის გვარი. ამ დროს გაიტანეს მრავალი არხები ერთმანეთში გადაბმულნი და ისე სახერხოდ მოაწყეს, რომ ყოველი სოფელი, ყოველი მამული ირწყვებოდა და იმავე არხებით შრებოდა. ეს ახლაც შეუცვლელად არის დარჩენილი.

ჩინეთის არხები არიან მომართულნი ასე: ჯერ რამდენიმე დიდრონი არხები გააქვსთ. წყლის დენა არის დაკვლავნილი. მხრთან იქით, საითაც ადგილის მდებარება აჩვენებთ. ამ დიდრონი არხებიდგან არიან გატანილნი წერილი არხები, რომელნიც დადიან ნახნავებში და მერე ისევ დიდრონი არხებში შედიან. ჩინეთლებმა ძალიან კარგათ იციან არხების გატანა. რაკი შეიტყობენ ადგილების სიმა-

ღლესა, მერე აძლევენ მცირედს და მშენებენ, ასე რომ არცთუ სიხანს წყალი დატანულნი მდის, თუ სწორეზედ. ამ გვარად გაჰყავთ წყალი ძალიან გძელს არხებში. ბარდა ამისა ჩინეთლები კარგი მეხანიკები არიან. ეს შეიძლება ენახოთ მაშინ, როდესაც იმათ გაჰყავთ წყალი იმ გვარ ნახნავებზედ, რომელნიც რუხედ მალა არიან: ან გორაკზედ, ან მთაზედ, საცა წყალი არ არის და აქვსთ ქვეიდან; ანუ როდესაც უნდათ ხევზედ გადიტანონ წყალი. ამ შემთხვევებისათვის ჩინეთლები ჰმართვენ წყლის ასაწივს მაშინებსა და ხიდებსა და რუხებსა. ამ რუხებს ყოველთვის ინდოთურს ლერწმისაგან აკეთებენ.

წყლის ასაწივი მაშინები ჩინეთლებს აქვსთ რამდენიმე გვარი. პირველი სულ უბრალო მაშინა ის არის, რომ ორს მუშას უჭირაეთ გძელი თოკები კალათებითა; სდგანან აქეთ იქით. ჩაუშვებენ კალათას რუში; მერე რომ აიგსება, მაშინვე გასწივენ თოკებს თავიანკენ და კალათა ზევით ამოიწევა. წყალს ასხმენ ან ნახნავის არხში, ან სხვა წყლის შესანახავს ადგილს; ეს ძალიან ძნელი მუშაობა არის. მეორე მაშინა აი, ამგვარია: ორი ბოძი ურჭვია ერთმანეთთან ახლო; შიგ არის გაყრალი ხე, რომელშიაც გაყრილია ერთი წვერიდგან გძელი და მეორედგან მოკლე ლატანი. მოკლე წვერზე აბია მძიმე ქვა, გრძელზე კალათა. ძალათას უშვებენ არხში, და რომ ივსება, მერე ქვის სიმძიმე ეწევა მალა საესე კალათას. მერე წყალს სცლიან ნახნავის არხში ან წყლის შესანახავს ადგილას. ძიდევ სხვა მაშინები არიან ჩინეთში. ღიდს ჩარხს გარშემო არიან მიბმულნი ხის კასრები. ამ ჩარხის ერთი პირი ძევს წყალში. მერე მუშები ატრიალებენ და კასრებით წყალი ამოაქვსთ ზეთთა. მუშა ადგამს ფეხს კასრსა და რომ დაიწევს, მერე მეორეს შეადგება; ამგვარად ატრიალებს ჩარხსა, ზოგჯერ ცხენებს აბმენ ჩარხის დასაბრუნებლად. მაშინ ახმარებენ კბილებიან გორგოლატებსა. აქედგანა სიხანს, რომ ჩინეთლები არა ზოგვენ არც შრომასა და არც დროსა, ოღონდაც იმათი ნახნავე მოიწყოს.

ჩინეთელი მიწის მხენელი, ერთის სიტყვით, თავის ნახნავს არას დროს უწყლოთ არ და ავდებს. თუ იმისთანა ადგილი შეხვდა, რომ წყალი ვერ მიუღდა სათიმე არხიდგან, ან მალალი მთა არის, ან სხვა ძალიან უხერხო



ადგილი, მაშინ ეძებს ადგილს ჭის ამოსახ-  
რელად. ადებს მიწას ყურს, წვება ზედ, და  
თუ იმისმა გამოცდილმა ყურმა გაიგონა ქვე-  
ით წყლის ხმა, მაშინვე სთხრის მიწასა. ჯერ  
ორ ადღამდე ამოსთხრის; ჩაჯდება შიგ და  
დაიხურავს ზედ ჭილობსა. ამ გვარ სიბნელე-  
ში უყურებს ძირს და თუ დაინახა, რომ ორ-  
თქლი ამოდის, მაშინ ეს ცხადი ნიშანი არის,  
რომ ქვემოთ წყარო არის. როდესაც თვალს  
ვერ ენდობა, მაშინ ორმოში ურჭობს ჯოხსა,  
რომელზედაც აცვამს ან ბრტყელს სპილენძის  
ნაჭერსა, ან აგურის ნაჭერსა, ანუ ცხერის მა-  
ტყლსა; ამას ზეიდგან ხურავს ჭილობსა და  
ზედაყრის მიწასა. მერე ერთ ღამეს გამოუ-  
შვებს და მივა ნახავს: თუ სპილენძზე, აგურ-  
ზე, ან მატყლზე არის წყლის წვეთები, მაშინ  
ეს ცხადი ნიშანია ქვეშ წყლის ყოფნისა. ჩი-  
ნეთლები ჭისათვის წყალს პოულობენ სანთ-  
ლითაცა; ორი არშინიან ორმოში ანთებენ  
სანთელსა და უყურებენ: თუ ალი სწორედ  
არ ამოდის და აქეთ-იქით იხრება, მაშინ ჩი-  
ნეთლებს რწამსთ, რომ ქვეშ წყალი  
არის.

ჩინეთში არიან ხელოვნები, სახელად ინ-  
იან—შენ, რომელნიც თითქმის შეუცდომე-  
ლად ასწავლიან ხალხსა: სად ამოვა წყალი და  
სად არა. ამასთან ეუბნებიან კიდევ რამო-  
დენი სიღრმე ექნება ჭასა.

ჩინეთურად მორწყვა არ არის ძნელი. ისი-  
ნი ცდილობენ, რომ მორწყვის დროს წყალ-  
მა არ წაიღოს თან სასუქი და მიწა არ გარე-  
ცხოს. ამისთვის ისინი ნახნავენს ჰყოფენ რა-  
მდენიმე კვლებად, რომელსაც ეძახიან ცი;  
სიგანე კვლისა არის ორ საჯენამდე და სიგძე  
შვიდამდე. შველა კვლებს გარს აკრავს კედ-  
ლები დატყვნილი მიწითა, ერთი ჩარქვისა,  
ანუ ნახევარ არშინის სიმაღლე. ამ კვლე-  
ბის შუაში მიდის წვრილი არხები. ნახნავს  
როდესაცა რწყვენ, მაშინ ყველა კვალში  
ცალცალკე უგდებენ წყალსა. წყალს რომ  
მიუგდებს დიდი არხიდგან ნახნავის კვლებში,  
მაშინ მუშა სდგას რკინის ნიბითა და წყალს  
აყენებს არხში პირვ ლ წვეილ კვალთან; მე-  
რე გაუჭრის კედელს და შუშვებს ერთს კვა-  
ლში. წყალი შედის კარებში და დგება კვა-  
ლში ასე რომ კვლებიდან არსად გადის.  
როცა პირველი კვალი საკმაოდ მოირწყება,  
შინ მუშა კარებს შეუკრავს. მერე წყალს  
უღებს გზას მეორე იმის პირდაპირ მყოფს

კვალში და ამასაც ამ გვარად მორწყავს.  
როდესაც წვეილი კვალი მოირწყება, მუშა  
მაშინვე გახსნის შეკრულს არხსა და მაშინვე  
შეჭკრავს მეორე წვეილ კვალთან. ამ მეორე  
წვეილსაც ისე მორწყავს, როგორც პირველსა.  
მერე შეუდგება მესამე წვეილსა, მეოთხე წვეი-  
ლსა და ასე გაჰყვება ბოლომდინ.

ჩინეთელებმა იციან რომელი მცენარე რა-  
მდენჯერ და რამდენათ უნდა მოირწყოს. იმათ  
ენაში არის „სრული მორწყვა მიწისა“ და  
„ნახევრად მორწყვა“. თუ კვალი ააგეს წყ-  
ლითა და მაშინვე შეუკრეს გზა, ეს ნიშნავს  
ნახევარ მორწყვასა. როდესაც სრულად უნ-  
დათ მორწყონ, მაშინ ააგებენ კვალსა, და-  
ცდიან რომ მიწამ დაიშროს; მერე კიდევ მი-  
უშვებენ; როდესაც მიწა აღარ შეიშრობს  
წყალსა, მაშინ სჩანს, რომ სრულებით გაძდა.  
შვანილეულს ყოველ დღე რწყვენ. სულადი-  
სათვის გადაკვეთილი აქვსთ რამდენჯერაც  
უნდა მორწყვა: პირველად თესვაზე ერთის  
დღის წინა რწყვენ, მეორედ როცა ყანა აი-  
წვეს მუხლზე; როცა თავთავს იკეთებს; როცა  
ორსულათ არის. ორსულობის დროს ჩინე-  
თლები ცდილობენ, რომ ყანა მორწყონ  
სრულად—გაძღომამდე, და მესამე ანუ მეო-  
თხე დღეს კიდევ რწყვენ. შემოდგომის ყა-  
ნას რწყვენ გაძღომამდე იმ დროს, როდესაც  
იწყება პირველი ყინვები. ბოლოს ცდილო-  
ბენ, რომ ყანა საღამომით მორწყან, როცა  
მზე ჩადის; ამითი ჩინეთელნი პატივობენ ყა-  
ნას მავნებელი მწერთა (მატლი) დახვევისაგან.  
ჩინეთლები თავიანთ ყანებს ღამით უფრო  
სიამოვნებითა რწყვენ.

როდესაც უნდათ გააშროონ ნახნავი, მა-  
შინ მეორე მხრიდან ადებენ კვლის კარებსა  
და წყალი ჩადის არხში. ნახნავს შემდეგს შე-  
მთხვევაში აშრობენ: როდესაც კოკური წვი-  
მები მოდის, და როდესაც ნახნავში ახლად  
არის მოსული მცენარე, რომელსაც ეშინიან  
მომატებული წყლისა.


ჩინეთლები საცა კი ნახვენ ბუნებითს  
წყალსა, იქ მაშინვე დაიწყებენ მიწის შემუ-  
შავებასა. ხანდისხან ისეთ მაღალსა და ცი-  
ცაპს მთებზედ აკეთებენ ნახნავენსა, რომ კა-  
ცის ფეხი ვერცკი მიუღდება. აქ აკეთებენ მი-  
ხრილ-მოხრილს, კიბებებით გზებსა და ზედა  
ხენენ. შორიდგან რომ შეხედოთ ამ ნახნა-  
ვენს, გზები ერთმანერთს ეკვრებიან და წარ-  
მოადგენენ მშვენიერს მწვანე ხავსივით კე-

დელსა. რომ უნაყოფო მთებზედ ჩინეთლე-  
ბის ნახნავენს მოსავლიანი გახდნენ, ამისა-  
თვის ეძებენ მთაზე წყაროებსა. თუ იპოვეს  
ერთი ანუ რამდენიმე წყარო, მაშინ ნახნა-  
რი საქმე გაკეთებული აქვსთ. ამ წყაროებს  
შეაერთებენ და თავიანთ კიბებს მისცემენ  
იმ გვარ მომართვასა, რომ ადვილად და სრუ-  
ლად მოირწყონ, აგრეთვე თუ წყლის სიჭარ-  
ბე იქნება, მომეტებული გადუშვას. წყაროების  
ახლოს ჩინეთელი არ ივიწყებს, რომ გააკეთოს  
ჰაუზი. ღანღართულის გზებს, ნახნავს, ჰყოფენ  
აგრეთვე კვლებად.

ზოგჯერ ჩინეთელები, წყლის სიყვარულით,  
ჰყრიან მდინარეებში ტივებსა, ზედ ჰყრიან  
მიწასა და იმაზედ სთესვენ. თუ ხეები არა  
აქვსთ ტივის შესაკრავად, მაშინ ტირიფისა, ანუ  
ჭერმის ლასტებს სწვენენ, ერთმანერთზედ აკე-  
რენ, ასე რომ ადლი სისქე მაინცა ჰქონდეთ  
და ჰყრიან წყალში. ამ გვარი ტივები ჰგვანან  
კალათებსა, რომელსაც თოკით აბმენ წყლის  
პირზედ.

ტივებზედ აყრიან წყლის შლამსა და ამითი  
აკეთებენ მიწასა. ამ მიწას ასუქებენ ჩალის  
ნაცრითა, გატყვლილი ბაყაყებითა, ლოკო-  
კინებითა, მკვდარი თევზებითა და სხვ. ამ  
ტივებს ეძახიან მცურავ ნახნავენსა. მცურავი  
ნახნავენის აღწერაებში ჩინეთლები გულ-  
წრფელად მოგვითხრობენ, რომ იმათ არ ეში-  
ნიანთ დახრჩობისა და არც გვალვისაო, რა-  
დგანაც წყალს თუნდ მოემატოს თუნდა და-  
აკლდეს, ნახნავი მაინც წყლის პირზე რჩება.  
აგრეთვე გასართობელი არიან მოთხრობანი  
იმისი, თუ ჩინეთლები როგორ გადადიან  
ერთი ადგილიდან მეორეზედ თავიანთი ნახ-  
ნავენითა; ისინი მოგზაურობენ, გადადიან ერ-  
თი მდინარიდან მეორეზედ; თავიანთი სახ-  
ლებიც თან მიაქვსთ, ცალშვილიც, მეზობ-  
ლებიცა.

ორი უკანასკნელი ამბავი: მთებზედა და  
მდინარეებზედ ნახნავენის გაკეთება თუმცა ზო-  
გჯერ უმიწობითაც მოხდება ხოლმე ჩინეთში,  
სადაც რვა ასი მილიონი ხალხი სცხოვრობს,  
მაგრამ ბევრი წილი კი წყლის სიყვარულითა  
მოხდება ხოლმე. ისინი იშვიათად მუშაობენ მო-  
ურწყავს ადგილებში. მშინიანთ, რომ შრომა  
ტყუილათ დაგვეკარგებაო. მართლათაც კაცი  
ყოველთვის უნდა ერიდოს თავისი საქმის შე-  
მთხვევაზედ მიგდებასა და უნდა ცდილობდეს



# გ ა ნ ც ხ ა ლ ე ბ ა .

„სასოფლო გაზეთის“ გამომცემი

1869 წელში.

მომავალს 1869 წელს „სასოფლო გაზეთი“ გამოიცემა იმავე პროგრამით, როგორც ამ წელს გამოიცემოდა

## ხ ა ლ ო ს ა წ ა რ ი უ ა ნ ი :

გაგზავნით ტფილისში და გარეშე ადგილებში ერთი წლისა ოთხი მანეთი; გაუგზავნელათ სამი მანეთი;

სასოფლო სასამართლოებისათვის გაგზავნით სამი მანეთი. ნახევარი წლისა გაგზავნით ორი მანეთი; გაუგზავნელათ ერთი მანეთი და ათი შაური, ერთი ნომერი ორი შაური.

„სასოფლო გაზეთი“ გამოიცემა ორ კვირაში ერთხელ ხუთშაბათობით.

## ხ ე ლ ი მ ო ი წ უ რ ე ბ ა .

ტფილისში „ღროებისა“ და „სასოფლო გაზეთის“ რედაქციის კანტორაში, მელიქიშვილის და კამპ. სტამბაში.

ტფილისის გარეშე მცხოვრებთა შეუძლიანთ მოითხოვონ ამ აღრესით;

Въ Тифлисъ. Въ Контору Редакціи „Сельск. Газеты“ при Типографіи Меликова. и Ко.

ამასთანავე იბეჭდება თვითონ გაზეთის პროგრამაცა

# პ რ ო ბ რ ა მ ე ა

„სასოფლო გაზეთისა“

„სასოფლო გაზეთში“ იქნება შემდეგი ნაწილები

## I ო თ ე ც ი ა ლ უ რ ი ნ ა წ ი ლ ი :

მთავარობის განკარგულება, რომელიც განსაკუთრებით შეეხება სასოფლო სამმართოველოთა.

- ა) განკარგულებანი, რომელნიცა სასოფლო სამმართოველოთა უნდა აღასრულონ.
- ბ) განკარგულებანი, რომელნიცა უნდა აცნობონ სასოფლო სამმართოველოთა, რომ იმათ ხელსამძღვანელოთ შეიქმნან.

## II. არა-ოფიციალური ნაწილი:

1. სამეურნეო ცნობანი. ამ ნაწილში დაიბეჭდება იმისთანა სტატიები, რომელნიც შეეხება სხვა და-სხვა სამეურნეო ნაწილის. მაგალითად: მიწის მუშაობას, ბოსტნის კეთებას, ღვინის მოყვანას, პირუტყვის მოშენებას და სხვ. სასოფლო ვაჭრობის, ალბ-მიცემობის და ოჯახობის მარეგულირებელი სტატიები.

2. სახალხო მედიცინა (მკურნალობა). აქ დაიბეჭდება ისეთი სტატიები, რომელშიც იქნება დარიგება, თუ როგორ უნდა იცხოვროს ხალხმა, რომ სიმართლით იყოს, აგრეთვე იქნება ნაჩვენები ისეთი ექიმობა სხვა და სხვა ავთმყოფობაზე, რომ თვითონ ხალხსაც უეჭიმოთაც შეეძლოს ზოგიერთ ავთმყოფობის მორჩენა.

3. ამბავი სასოფლო ხალხის ცხოვრებაზე: აქ დაიბეჭდება ამბები, თუ როგორ მიდის სასოფლო გამგეობა ჩვენს ქვეყანაში, სახალხო შკოლებზე, პურის მალაზიებზე, ბანკებზე; აგრეთვე კორრესპონდენციები, და მოთხრობა სოფლის ხალხის ცხოვრებიდან.

4. სხვა და სხვა ცნობა. წვრილმანნი ხალხის გასაგებნი სწავლანი, რომელთაც ექმნება მხოლოდ ის განზრახვა, რომ ხალხს ამაო-მორწმუნება და ცუდი ჩვეულება მოაშლინოს.

5. სახაზინო და კერძობითი განცხადება.

რედაქტორი და გამომცემელი გ. წერეთელი.

ყოველთვის მისცეს თავის საქმეს მკვიდრი საფუძველი.

დასასრულში ვიტყვი, რომ არამც თუ მართლ ჩინეთლები არიან იმ აზრისანი, რომ ნახნავს უთუოთ წყალი უნდა ჰქონდესო, არამედ მთელი აზრის ხალხი ძნელათა სთესავს ურწყავში. ჩვენში ახლაც ბევრი მოწმობანი არიან, რომ შიხილბაშები ცდილობდნენ გაეტანათ მინდვრებში არხები და ამითი აქმალლებინათ გამოსავალი და თვითონ ფასიცა იმათი მიწებისა. ზარდა ამისა ხალხიცა მრავალდება იმ ადგილებში, სადაც სარწყავი მიწები არის და უფრო სიმდიდრეში არიან. თუ მინდვრებში არხები არ არის გაყვანილი რომელსამე მხარეში, იქ თავის დღეში ხალხი დიდს სიღარიბეში უნდა იყოს. ახლა ჩვენში წყლები ისე მდინარებენ, რომ არაფერს სარგებლობას არ აძლევენ ხალხსა. ზოგი ერთი იმათგანი რწყვენ მინდვრებსა და ვენახებსა, მაგრამ ძალიან ცოტა არის ამ გვარი წყალი, და ისიც ბუნებით არიან ამ გვარად მომართულნი. ძაცის ხელი ვი აქ ჯერ არ შესტყობია.

ლ. ს.

# გ ა ნ ც ხ ა ლ ე ბ ა

მაცნობებთ იმა პირთა, რომელთაც აქვსთ; ანუ ექნებათ, საქმეები შუთაისის გუბერნიის მომრიგებელ სასამართლოებში, ანუ თვით შუთაისის ოლქის სასამართლოში (ოკრუჟენის სუდში), რომ ჩვენ ვიღებთ ჩვენს თავზედ სამოქალაქო და სისხლის სამართლის საქმეებსა და ამ საქმეების შემოსწენებულ სასამართლოებში დაცვასა.—აღრესი: შ. შუთაისის ოკრუჟენის ქუჩა, სახლი უფ. ალექსი ლობჯინისა.

ლუარსაბ ლოლუა.

ღვით აბდუშელიშვილი.

## ს ა ბ ი ზ ლ ი ო ბ რ ა შ ი ო ც ნ ო ბ ა .

ისყიდება მელიქიშვილის და კამპ. სტამბაში

# რ ო ნ გ უ რ ი .

ლ ე მ ს ე ბ ი ს კ რ ე ბ ა

ნ. ბარათაშვილის, ილ. ჰავჭავაძისა აკ. წერეთლისა და სხვა მწერლების,

გამომცემელი პ. ლორთქიფაძისაგან.

უასი ერთი მანეთი.